

# PAPURAU BUSNES

## Rhan 1 – Adran G

### Rhybuddion o Gynigion a Gwelliannau ar gyfer Dadleuon yn y Dyfodol

#### Cyngion a gyflwynwyd ar 23 Tachwedd 1999

##### Cynog Dafis (Canolbarth a Gorllewin Cymru);

Pwnc Dadl Fer "Tuag at Drafnidiaeth Integredig" (NDM139VB)

##### Andrew Davies (Gorllewin Abertawe);

Cynnig bod y Cynulliad, yn unol â rheol sefydlog 5.1, yn mabwysiadu'r amserlen amlinellol ar gyfer cyfarfodydd llawn, amseroedd sydd ar gael ar gyfer cyfarfodydd pwyllgor, cyfarfodydd grwpiau gwleidyddol a thoriadau hyd at ddydd Gwener Mawrth 24 2000, a osodwyd yn y Swyddfa Gyflwyno ar 23 Tachwedd 1999. ( NDM137VB )

##### Andrew Davies (Gorllewin Abertawe);

Cynnig bod y Cynulliad :

- yn diolch i Ysgrifennydd Gwladol Cymru am ei adroddiad ar raglen deddfwriaethol Llywodraeth y DU ar gyfer 1999-2000;
- yn nodi bod y rhaglen yn cynnwys nifer o Fesurau sy'n cael effaith uniongyrchol ar y Cynulliad (Safonau Gofal Plant (sy'n gadael gofal), Cefn Gwlad, Rhyddid Gwybodaeth, Ffermio Ffwr, Dysgu a Sgiliau, Llywodraeth Leol, Cysylltiadau rhwng yr Hiliau, Anghenion Addysgol Arbennig, Trafnidiaeth a'r Cyfleustodau) ynghyd â mesurau eraill sydd o ddiddordeb mawr i'r Cynulliad a phobl Cymru; ac
- yn galw ar y Prif Ysgrifennydd i ystyried ymhellach y pwyntiau a godwyd yn y ddadl, i lunio ymateb ysgrifenedig i'r Cynulliad i'w gymeradwyo ymhellach, ac i hysbysu Ysgrifennydd Gwladol Cymru a Gweinidogion y DU am farn y Cynulliad
- yn galw ar y Prif Ysgrifennydd a'r Ysgrifennydd Gwladol i lunio protocol i alluogi'r Cynulliad i gyflwyno cynigion deddfwriaethol yn ffurfiol bob blwyddyn, gyda'r disgwyl y bydd Llywodraeth y DU yn ystyried eu cynnwys yn ei rhaglenni deddfwriaethol yn y dyfodol;

E-bostiwyd manylion Araith y Frenhines at yr holl aelodau. (NDM138VB)

Gwelliannau a gyflwynwyd ar 25 Tachwedd

## **NDM 138VB**

### **1. Nicholas Bourne (Canolbarth a Gorllewin Cymru);**

Cynnig bod y Cynulliad yn penderfynu mabwysiadu'r gwelliannau a ganlyn i'r cynnig uchod;

1. Dileu pwynt bwled 1
2. Yn yr ail bwynt bwled, rhoi "a phryder" ar ôl "o ddiddordeb". Ychwanegu ar ôl "Cymru", "a'i fod yn gofidio y bydd y cynigion hyn yn rhoi pwysau ychwanegol ar bobl Cymru, yn arbennig pobl Cymru wledig".
3. Pwynt bwled newydd ar ôl yr ail bwynt bwled – "yn gresynu na fanteisiwyd ar y cyfle i ymgorffori yn y ddeddfwriaeth ddarpariaeth ar gyfer cymorth o safbwynt cyllid cyfatebol llawn y tu hwnt i Barnett i ardaloedd Amcan 1 yng Nghymru"

### **1. Michael German (Dwyrain De Cymru);**

Cynnig y dylai'r Cynulliad benderfynu mabwysiadu'r gwelliannau a ganlyn i'r cynnig uchod;

Ychwanegu ar y diwedd:

"Wrth nodi rhaglen ddeddfwriaethol arfaethedig Llywodraeth y DU, mae'r Cynulliad hwn yn gresynu:

1. Bod diffyg deddfwriaeth newydd i fynd i'r afael â phroblem amserau aros hwy ar gyfer triniaeth yr NHS
2. Y bwriedir lleihau rhyddid sifil yn sylweddol
3. Bod y cynigion ynglŷn â Rhyddid Gwybodaeth yn tueddu at bwyll a chyfrinachedd
4. Na phennwyd targedau lleihau traffig ffordd cenedlaethol
5. Na sicrhawyd darpariaeth ar gyfer swyddfa i Awdurdod Rheilffyrdd Strategol arfaethedig Cymru
6. Y bwriedir ad-drefnu'r Asiantaeth Cynnal Plant yn hytrach na chael gwared yn llwyr â hi
7. Na fydd y Mesur Pensiynau arfaethedig yn datrys problem tloidi ymhlith pensiynwyr
8. Bod yr ad-drefnu arfaethedig ar Swyddfa'r Post yn gam gyntaf i bob pwrpas tuag at ei phreifateiddio
9. Y gallai'r system newydd arfaethedig ar gyfer llywodraeth leol olygu y bydd awdurdodau lleol yn fwy cyfrinachgar ac yn llai atebol"

### **1. Michael German (Dwyrain De Cymru);**

Cynnig bod y Cynulliad yn penderfynu mabwysiadu'r gwelliannau a ganlyn i'r cynnig

uchod;

Ychwanegu pwynt bwled newydd ar ôl y pedwerydd pwynt bwled ar hyn o bryd:

"yn galw ar y Cynulliad a Senedd y DU i bennu dull o barhau i drafod fel y gall y Cynulliad cyfan gyfrannu at ddrafftio deddfwriaeth newydd wrth iddi ddatblygu."

## 2. **Michael German (Dwyrain De Cymru);**

Cynnig bod y Cynulliad yn penderfynu mabwysiadu'r gwelliannau a ganlyn i'r cynnig uchod;

Ychwanegu ar y diwedd:

"Er mwyn i'r Cynulliad fod yn ddigon hyblyg i ddatblygu atebion Cymreig i broblemau Cymreig, mae'r Cynulliad hwn yn galw ar Senedd y DU i ymgorffori cymaint o fanylion y ddeddfwriaeth newydd ag y bo'n ymarferol bosibl fel is-ddeddfwriaeth yn hytrach na deddfwriaeth sylfaenol."

## 3. **David Melding (Canol De Cymru);**

Cynnig bod y Cynulliad yn penderfynu mabwysiadu'r gwelliannau a ganlyn i'r cynnig uchod;

Rhoi ar ôl pwynt bwled 2:

1. "yn gresynu na chyflwynodd y Llywodraeth fesurau a fyddai'n rhoi amser aros penodedig i bob un o gleifion yr NHS ar sail eu hangen clinigol am driniaeth."

## 6. **Dafydd Wigley (Caernarfon);**

Cynnig bod y Cynulliad yn penderfynu mabwysiadu'r gwelliannau a ganlyn i'r cynnig uchod:

Ychwanegu'r canlynol ar ôl y pedwerydd pwynt bwled:

yn galw ar y Prif Ysgrifennydd a'r Ysgrifennydd Gwladol i geisio sicrhau bod pob Mesur sy'n effeithio ar waith a chyfrifoldebau'r Cynulliad yn cael ei ddrafftio mewn ffordd sy'n caniatáu cymaint o hyblygrwydd ag y bo modd i'r Cynulliad wrth weithredu ei ddarpariaethau, a datblygu polisi yn y meysydd dan sylw yn y ffordd sy'n adlewyrchu orau farn y Cynulliad ac anghenion pobl Cymru.